

Gretele.

G'wiss . . . ich ha nie recht g'wisst, was i liewer ha, eb's d'Molerei isch oder d'Müsik! . . .

Herr Heiterwiss.

Mr wänn hoffe, ass es d'Molerei isch, Gretele, nitt wohr? . . . (er süecht se um d'Taille z'näh, doch witscht sie-n-em üs, er läuft ere no um dr Tisch umme, im Durespringe wirft se-n-em d'Puppe in d'Arme).

Herr Knopfloch (macht d'Thüre ne wenig uf).

Do geht's schön züe! . . . wenn se nur nit do ine kämme! . . . (er macht züe).

Herr Fisselboge (vom Lärme-n-ufg'weckt, krobelt unter em Tisch fire. 's Gretele losst e Schrei üs, dr Moler blibt verstünt steh).

Was ich nitt fir e dummer Traum g'ha ha! (er wischt si d'Äuge-u-üs un gähnt) Ha-n-i nitt träumt, dr Herr Gitzkrage heb mr ufkündet un ich heb in ere Jumpfere dr Hof g'macht . . . 's isch 's Gretele gsi un isch's doch nitt gsi . . . Dummheite, enfin wie alle Träim . . . (er sieht dr Herr Heiterwiss un 's Gretele) Tiens, 's Gretele mit emen-Andre in mim Zimmer! . . .

Herr Knopfloch (macht e wenig uf).

Aha! . . . dr Herr Fisselboge isch heim ku . . . wenn jetz nur d'Andere glich furt giengte . . . (er macht züe).

Herr Heiterwiss.

In mim Zimmer, wenn's I b'liebt, in mim Zimmer.. was dr Kückücks hän Sie eigentlich unter mim Tisch triwe do? . . .

Gretele (stellt si verwündert).

Was verzählt jetz dà Herr do? . . . ich kenn en jo gar nitt! . . .

Herr Fisselboge (b'sinnt si).

Oh! . . . 's isch jo kei Traum! . . . (kläglich züem Gretele) wie ka Sie nur eso ebbes sage, Gretele . . . zürnt Sie mir denn noch allewil . . . g'wiss, ich ha g'meint, Sie isch's . . . ich ka jetz no nit versteh . . .

Herr Heiterwiss (unterbricht ne).

Ich glaüb, Sie träume jetz noch, güeter Frind . . . (züem Gretele, wo embarrassed d'Achsle lipft) oder isch er vielleicht krank, dà Mensch? . . . Ich kumm nitt do drüs . .

Herr Fisselboge (zornig).

Was krank . . . isch's ebbe nitt wohr, ass 's Gretele do gsi isch bi mr . . . ich wott mi Gige wette . . .

Herr Heiterwiss (fir sich).

Oh! . . . im Gretele si Giger . . .

Gretele (züem Herr Heiterwiss).

Gläuwe Sie's em nitt, Herr Heiterwiss, er säit's nur üs Zorn, wil ich nit meh vo-n-em wisse will . . .

Herr Heiterwiss.

Scho güet . . . scho güet . . . ah so! ich fang a heiter z'sàh do drin . . . die junge Lit gàn sich schint's Rendez-vous in mim Zimmer, während ass ich nitt do bi . . . das geht jetz nitt eso dure . . . (er geht gege-n-em Herr Fisselboge) ass Sie's wisse, einer vo uns isch z'viel uf dr Welt! . . .

Herr Knopfloch (macht d'Thüre ne wenig uf).

Bigr!!! . . . wenn ich nur mi Geld hätt! . . . (er macht züe).

Herr Fisselboge.

Ich emol nitt . . . ich müess d'Lit lehre gige . . . wenn Sie jetz finde, ass Sie unnöthig sin druf, so will ich Sie gar nitt hewe . . .